

堅

瓠

集

堅瓠九集卷之三目錄

王春腳

劉楚先母

寧波地名對

蕭漢冲

茶比佳人

貧家婢自訴

妓誘曹翰

書糧

貓說

豬齒曰化佛

蜂爲孔昇翁

討中山狼露布

討蜂檄

討蝨檄

除蠹魚露布

討鼠檄

討蜘蛛檄

蠹蟬蟲封事

蠹表

鮎表

龜寶

募造銀河渡船疏

腐侯傳

甘雨閒田

上虞上海

諸大綬

銀華雪兒

樂官山詩

澄謎

亡風聽角

筆塚

裏瓊

醫鋏

詠筋

網巾

小碧箋題詩

蔡真人詞

楚明光

諧聲桂枝香

孫伯華

雙鯽化女

和神國

虞美人草

花醒睡

作詩求視

丁字面下

店字可入詩

盧丞相題詩

不久詩

蟲詞

鞋盃

佳人出浴

相思詞

你你你

秦字

嘲禿

遺溺

癩子

飲器便盃

馮駟伊尹

訖姬匹美蘧使

堅瓠九集卷之三

長洲石農褚人獲學稼纂輯

王春腳

蘭陽王王屋初名澤字春腳後更名扈天  
啓辛酉舉於鄉戊子下第戊辰計偕度已  
支必八穀某公分較春秋向與璫洽不欲  
出其門論中故爲談語論鬼神處突云如  
以爲無則慧娘之敲裴生之門也麗娘之

國朝志 卷三  
八柳生之室也撤棘後閱落卷則某果已  
魁公閱所爲論始有病狂喪心之評及璫  
敗某果斥辛未闈中爲我鄉陳文莊芝臺  
所拔遂獲雋

劉楚先母

明劉宗伯楚先母素能文一日其子偕童  
子四五自學中歸夫人見築牆者五人命  
諸子爲破題眾皆不能請曰母試爲之母

卽應聲曰人數比於舜臣職業同於傅相  
寧波地名對

花宗師歲考寧波嘗出一對以試士曰赭  
山灣上浪高低魯般魯肅士莫能對因自  
對曰白塔浮前風緩急樊噲樊遲又嘗出  
對曰一點臙脂儼是桃花渡口亦自對曰  
數莖白髮渾如藕纜橋頭

蕭漢冲



萬曆庚辰會元漢陽蕭漢冲良有年十五  
發科榜眼及第仕至祭酒性蚤慧七八齡  
時入官舫謁一貴官出句命對曰官舫夜  
光明兩輪玉燭蕭對曰皇都春富貴萬里  
金城貴官適有他遣語去使曰爾去卽來  
廿四弗來廿五來廿五弗來廿六來漢冲  
誤疑出對卽曰靜極而動一爻不動二爻  
動三爻不動三爻動貴官頗歎賞

# 茶如佳人

茶比佳人未經人道惟東坡有詩曰僊山  
靈雨濕行雲洗遍香肌粉未勻明月來投  
玉川子清風吹破武陵春要知王雪心腸  
好不是膏油首面新戲作小詩君一笑從  
來佳茗似佳人曾茶山亦有移人尤物衆  
談誇句此論雖妙但恐不宜山林間若欲  
稱之山林當如毛女麻姑自然僊風道骨

不免煙霞彼桃臉柳腰宜亟屏之銷金帳  
中無俗我泉石也

貧家婢自訴

一夕話有貧家婢自訴詩云貧家一婢任  
驅馳不說傍人怎得知壁腳風多寒徹骨  
厨頭柴濕淚拋珠梳妝娘子嫌湯冷上學  
書生罵飯遲打掃堂前猶未了房中又喚  
抱孩兒曲盡婢女苦况

妓誘曹翰

江南野史曹翰使江南惟事嚴重累日不  
諶後主無以爲計韓熙載因使官妓徐  
翠筠爲民間粧飾紅絲標杖引弄花貓以  
誘之翰見果問主郵者此女爲誰僞對曰  
娼家翰因命之至旦去與金帛一無所受  
曰止願天使一詞以爲世寶翰不得已撰  
春光好詞遺之及翰入謝因留宴使妓歌

此詞翰知見欵乃痛飲月餘而返

書糧

獨異志柳德封積勤苦爲學夜燃木葉以  
代燈火中夕牕外有呼者積出見之見五  
六丈夫各負一囊傾於屋下如榆莢語積  
曰與君爲書糧勿憂業不成明日起視皆  
漢時古錢計一百二十千終其業明帝時  
官至東宮舍人

貓說

松陵朱長孺鶴齡有貓說借貪貓以喻墨吏亦有激之言說曰余家多鼠患藏書多被齧蝕隣家有貓乞得之形魁然大爪牙甚飭始至羣鼠屏息穴中私喜鼠患自此弭矣迨月餘患復作終夜咋啞有聲余怪而伺之則貓與鼠甚比同寢處若倡和然調其故貓性貪嗜鮑魚腥中厨所庋見必

竊食鼠覺其然凡貓之所嗜鼠必預備以  
遺之貓啗而德之遂任所爲鼠始以形  
之大也而畏貓旣以所嗜嘗貓終則狎貓  
豢貓利有貓其出而爲患也益無忌余乃  
嘆曰甚哉貪之毒也使貓無所竊鼠其敢  
嘗之耶貓旣先鼠爲竊其能禁鼠之羣竊  
耶畜貓本以捕鼠而今反以導鼠且昵之  
爲一是鼠魁也曷若去鼠魁而羣鼠之患

猶或少耳耶乃命童子鎖其項繫其足數  
而扶之沉之於交衢之溷

豬齒曰化佛

崇寧間衛州護喜縣民職氏殺豬祭神而  
劉氏獵犬得其棄首骨銜之狺狺四日不  
食劉使其子析之其左牡齒曰中得肉如  
梅色酣醺用醉王諦視之如來像也髮有  
珠如粟紺目踟趺瞳子隱然莊嚴畢具觀



者萬人竊補之從弟目覩其事記於石以示補之補之爲之贊

蟬爲孔昇翁

西陽雜俎龍門寺多古柯有異蟬音如吟詠僧異之網一枚置籠中翌日大蟬尋至籠邊謂曰孔昇翁爲箴不祥頗記否然君已除死籍何患余與青桐君奕勝獲琅玕紙君出爲我寫星於詞僧密聽畏而放之

解豸討中山狼露布

李笠翁漁戲代解豸討中山狼露布蓋聞  
毒莫如蛇猶效珠銜之報暴寧如虎曾酬  
養掩之仁是類俱帶人心伊誰獨仍獸行  
如中山狼食恩人一事其出山逢敵知九  
死之難逃負箭投林庶一生之幸免踉蹌  
遇客安知非收利漁翁悠忽行人強使爲  
放生居士俛首酷隣狐媚依人絕類猶柔

某斷不勝慈翻怪殺蛇太甚仁能昏智漫  
言養虎何妨拔矢簇於肋邊心傷奇痛拭  
瘡痕於血底手帶餘腥營穴窟以埋藏解  
鵲衣而掩覆迨至敗軍大索幾爲從井之  
兩傷猶賴詭語彌縫始脫重圍而再造此  
誠起死而肉骨所當矢報於糜身奈何創  
血未乾飽德之盟已背酬私未効飢腸之  
餌先充剿忠信之窮奇聞而未覩卑德行

之混沌怪也難經食人間斷不可食之人  
自貽伊戚犯罪中萬無可赦之罪國有常  
刑零賦性觸邪備員治獄歎孽畜頓忘其  
義懷善上幾喪其生檄辭上告於獅王定  
使山崩雷吼罪狀風聞於狗監須教爪嘜  
牙吞象應逞鼻捲之威牛亦鼓角挑之勇  
無勞虎卜深山奮立豹之韜焉用狐疑尚  
方請白猿之劍麋鹿有敗羣之觸兕犀懷

後至之誅并討助虐之豺兼殲輔行之狙  
刳心竿末冒恩之戎首伏辜食肉寢皮戴  
義之輿情始洽憫入懷而活窮憊還須引  
手於人不識字而觸忠良無許冒名爲我  
討蛭檄

曹綠巖垂璫討蜂檄汝性生游治穢亂花  
宮以鑽刺當生涯藉偷香爲活計負蟲作  
子輕傳尾上之鍼擁土成媒暗植腹中之

劍奔飛莫弄飄忽如狂曜五色於吳明楨  
盛白玉集一隅於蘭若奕話青桐自誇金  
翼蜜官人比玉腰花賊遊陳主之後庭罔  
知顧曲值隋宮之剪綵猶逞相思瑤階碧  
砌無非游衍之場綺牖瓊牕都屬沉酣之  
圃致河陽縣裏莫保紅英金谷園中難留  
綠綵輪將宮室富上國之資糧托體毗耶  
奪洪鈞之亭毒非僊翁何須化飯豈楚王

肯愛細腰雖繁布金房見於景純之賦而  
醴甘玉露徵諸萬里之詩然不是漁郎輒  
向桃源問渡非同貢士偏從杏苑傳芳申  
生以此蒙冤嚴薄因之進諫是罪過蠶蠅  
而莫赦豈聲如鸞鳳以姑原某去暴除殘  
誓無留種撙房破陣靡有孑遺庶花鈴永  
護芳心羯鼓頻催花並奴移蓮步縹飛燕  
之榴裙蠻舞柳腰映壽陽之柳額矣此檄

討蠭檄

楊升菴破蠭陣露布已見四集近得董文  
友以寧討蠭檄復載於左蚊本草澤細流  
浮沉等冀飛鳴無日宛在水中趨避甚工  
害伺人意不料潢池赤子羽翼已成頓使  
四海蒼生手足無措遇明時而歛晦當午  
夜而橫行暗室潛踪布滿廬家刺客華簷  
列陣悲懷毛遂囊錐時而露宿草行無不



長噓短吸爲鬼爲蜮如虎如鷹試看高卧  
北牕人孰使裸衣邀月且問倦眠西門者  
誰能露體迎風聯牀語不休已飽櫻桃之  
色歌袴來何暮非仍柳絮之輕相與引類  
呼朋因而負山奮翮高郵女子恐失節而  
露筋南國吳郎懼傷親而啓帳縱舍人之  
啞謎難妄東方寧齊主之開幃還憐白鳥  
屏風無障未能欺我孫康帷簿不修自應

八侍武壘夜深滅燭竟作椒房之戚乎風  
動帳開果爲八幕之賓否肆其利口聚此  
憐人使書生之白面堪憐致少婦之紅顏  
可惜自當盡除若輩何不撲殺此獠茲者  
校眉士子執燭姬兵咸思手刀白徒各欲  
扇揮青子棲棲六月頓興八衛之師烈烈  
三軍暗聽隔紗之令煙騰隘口策在火攻  
網結空中競投鐵帳剪除荆棘彼無巢穴

堪棲蕩拂塵埃人知斯睡可樂制敵如燎  
毛之易摧師有退舍之能問爾漏盡鐘鳴  
何顏復見天日看彼蜂屯蟻聚應同零落  
晨星庶豹腳乘羣不得乘吾中夏忝民閭  
闕莫能開我房州斯民有在席之安老弱  
皆高枕而卧嗟嗟膚髮何甘共悼肉刑之  
慘血流已遍難逃赤族之誅行將露布宵  
聞先此羽書辰告檄移中夏咸使聞知

除蠹魚露布

怡庵雜錄載除蠹魚露布云銅焦不擊辟  
邪奏薰攻詩蠹魚堅壘東壁代狼烟以芸  
氣淨微腥於墨華露布傳聞掃清戮力竊  
惟犬牙相制九天動夜戟之鼓鼙狐鼠作  
奸干燈舉秋明之烽火非氛起見方之羶  
國則兵銷武庫之陰風乃有非羽非虫蛇  
蜒若長蛇列陣出經八史奔馳隱戰馬挑

鋒貪神仙之畫而五色爲腸餌賢聖之精  
而千秋晦蹟殺字如草假道猶龍令鳥跡  
蚪蚪之奇痕恣如蠶食取石鼓舜跖之遺  
譜怒愈鯨吞暗伏潛埋不畏十萬鐵甲陰  
行詭道時穿百二書城因琯弓寶劍之難  
加致斷簡殘編之莫救鑽琅函而侵錦字  
鄴架甚危噫秘帙而闕寶符天渠受壽古  
人之糟粕幾盡文章之神骨半埋恨血盈

篇寬聲震冊卽蜂銛螳臂莫喻橫行雖倒  
穴覆巢終無嚴律某等談兵驅祛貯藥辟  
除以筆花充劍花開卷拂拭假書草爲檄  
草潑墨清銷黎光豈下乘之火攻犀照固  
奇計之水戰剝膚鈍隨彼何力之能支薰  
骨腐腸悔惜蓄之已晚俾學士真心考古  
覩風雲月露之全令嫗嫗着意藏奇無蹴  
躡尤殘之恨捷書時發馳報宵征

討鼠檄

新安張山來潮心齋聊復集討鼠檄云蓋  
聞啗衣筐篚策兇起於仙郎盜肉長安劾  
罪嚴於老吏蜡祭有迎貓之典魏風垂去  
女之篇倘擒捕之令不嚴斯竊偷之風彌  
甚蠢茲鼠輩敢肆鴟張無小無大托城社  
以棲遲宜室宜家藉厠舍爲逋藪毒敷宇  
內害遍宮中遺刀不畏空傳却鼠之名露

手無驚枉作朱書之字穴素壁以爲門羣  
稱有體嗜朱欄而作崇誰謂無牙祇善兩  
端空餘五技毒甚蠹魚不僅食神仙之字  
壯同燕雀竟公分米粟之儲處橐中而詐  
斃點脫坡公緣器上以難投忌生賈傳曰  
驪日駭名稱非一爲駭爲駭種類繁多傷  
郊牛之一角獲罪於天終永某之生平盡  
歸乃腹蘭匪當門輒欲鋤其紫皖梅方有



實每思芟彼青丘鄴侯萬軸手未觸而常  
汚彌勒三車藏雖緘而莫固壁懸焦尾羣  
驚誰斷七絃案置楸枰忽訝何亡四角雖  
決東海之濤難清其穢罄南山之竹莫盡  
其辜者也爰草一篇概茲羣醜倘能速離  
營窟遠遁山林穴同身以無妨渴飲河而  
莫忌若其情終不畏安處無聞必勅有苗  
大率天罰執爾朋儕豈滋他族處此搗其

巢穴無俾遺種於茲拔其毛而扼其吭泣  
血誰憐食其肉而寢其皮抱頭難竄空遺  
後悔莫贖前愆此檄

討蜘蛛檄

張山來討蜘蛛檄云羅箝吉網奸人酷吏  
聯翩里斷湯開聖主賢臣輝映守一見而  
必毀龔舍感而思歸苟無穴氏屯兵曷使  
昆蟲咸若蠢爾蜘蛛機巧爲心貪殘作性

觀其形狀居然公子無腸考厥簡編僅見  
蟪蛄在戶廊垂天之網不須軋軋鳴機布  
絡地之繩亦且絲絲八扣空中棲閣妄誇  
經緯之奇花底樊籠漫擬絲綸之妙風雨  
飄搖而不畏罪可彌天雷霆震撼而莫驚  
奸能漏網螢飛蜨舞驅而納諸吾獲之中  
蛾赴蠅投羅而致之口牙之內兇真似虎  
偏能以逸待勞巧不如黠輒欲倚強欺弱

淚居織室高坐繩床千絲萬縷無非狀害  
生靈七縱八橫總爲傷殘物命機心叵測  
細比牛毛私惡雖彰形同馬跡一網打盡  
罔憐翅鬚纏幾度絞成誰與解粘釋縛  
或投法網欣從壁上而觀偶觸情絲密坐  
簷前以待又况花間葉底咀我徘徊檻際  
欄前妨予游衍望戶當門如入無人之室  
盈窓遠屋幾同之僕之家甚至半絲入目

頓類左盲數網懸空疑同北阮方憂旱魃  
傍屋角以添絲正苦淫霖垂中霤而戲水  
東西遙度恍如羅計經天左右頻穿儼似  
婦姑織錦苟不急爲除捕安能久任猖狂  
爰徵破竹之軍並集揭竿之卒殺一命以  
安萬命頓動歡呼去毒蟲以保佳蟲肖剋  
憾戴斷肱截足難希三面齊開剖腹抽腸  
務使寸絲不墜此檄

蠲彈劾封事

嘉善龔肇權 廷鈞 戲爲蠲彈劾封事褐衣  
小臣蝨謹頓首上言臣起自單寒托身垢  
膩本無尺寸之能謬列冠裳之內甘心韋  
布名存抱樸之書矢志青瑣解讀阿房之  
賦雖族出蠨臣行同佛子景駱挾之談兵  
紀昌因而中的若乃藏龍圖之袖感遇非  
常緣宰相之鬚恩加有數常遊步兵之室

堅瓠集

卷三

七

王

儼然入幕嘉賓時進昭侯之廷恒托股肱  
內郡是用溫飽一方安享半生者也今有  
夏國蚊中子者乘暗奉昏因時干進恃鑽  
刺爲生涯廣布虛聲於長夏借彌縫爲利  
藪遂貽實禍於人間五月五日據臣要地  
奪我膏腴騁其負山之力橫逆有加施其  
訛陷之謀征求無厭芒刺蜂鍼血產徒供  
其辭飽雲屯烏陣肉食莫饜其誅求而且

矯鳴不已驚翻被底之鴛鴦奸志難償擾  
亂枕中之蝴蝶臣自揣愚鈍不能奮飛故  
亡命於布衣且隱身於敗絮一生溫飽頓  
爲飢盜之資半世脂膏忽作壓蹊之禍彼  
謂炎威之勢何妨率獸而食人當茲白帝  
乘權豈容寢皮而剜肉臣久逐退方不能  
進御蚊罪惡已著詎忍無言利口已盈於  
衆口宜揮帳下之青鋒貪心不直於人心



難免淮陰之赤族臣不得不據實以聞

蝨表

董文友蝨表云禁中獲蝨賊蝨命湯泉郡  
侯族烹之蝨恐上表曰血濺御衣粘紹非  
無丹悃腹垂過膝祿山自有赤心旣蒙參  
養而肥豈真肉食者鄙臨刑伏訴望闕求  
憐臣本處禪微命歛跡細流庇查道之衲  
衣比翰林之供帳膚受之愬雖見斥於蘇

卿世事之談亦見與於王猛報薛嵩之德  
爲彼捐軀感順帝之仁寧甘餓死懸磔而  
貫紀昌之箭乃試才長入朝而緣介甫之  
髮曾經御覽悚惶致敬擎曲潛居但因驚  
鈍之微材罔答聖明之覆育竊謂鈎深索  
隱王法有所不容吹毛求疵微生難以立  
命用是瀕憂思憤因而奔竄倉皇幼子已  
經手刃豚妻亦被肉刑乃大索十日以來

欲盡烹三族無赦一從吏議誰尋綿裏於  
江郎久被幽居安問龍圖之待制重負君  
親之德蹙蹙其何之長違毛裏之情遲遲  
我行也伏願揆續常溫解衣有澤知臣猶  
出於曲謹思臣未至於跳梁流千古黑冤  
憐此黑頭之醜念無知赤子封還赤族之  
書則雖做垢爲居亦將沒齒無怨不勝待  
命之至

鮠表

錦繡萬花谷梁韋琳滑稽作鮠表以刺時  
人曰臣鮠言伏觀除書以臣爲糝岳將軍  
油蒸校尉雁州刺史臣聞高沙老嫗非有  
意於綺羅白鮠女兒豈爾心於珠翠常恐  
鮠腹之譏懼貽驚腹之誚註高沙白鮠並  
江陵武南地名中多魚鮠與鱣同

龜寶

金華子徐太尉彥若赴廣南將渡小海從者於淺中得一琉璃瓶中有一龜長可以寸旋轉不停而瓶頂極細不知何自而入取置舟中其夕忽覺舟偏重視之則衆龜層疊就船而上其人懼取瓶投之水衆龜遂散旣而海舶胡人聞之曰此龜寶也稀世之靈物得而藏於家何慮寶藏之不豐哉惜其福薄遇而不能有也惋嘆久之

募造銀河渡船疏

龔肇權戲爲天孫募造銀河渡船疏天潢  
絕漢析木流津萬里無雲宛轉艮坤之域  
七襄終日昭回箕斗之躔海客浮槎取道  
識牽牛之渚河源載石還家訪賣卜之人  
旣顯晦以含星亦縱橫而繞塞乃盈盈一  
水相去幾何而渺渺經秋別離可奈駟車  
有路嗟欲濟以無梁繡幄空懸望所歡兮

莫渡傷心托鴛鴦機上夜夜千愁良晤當  
烏鵲橋邊年年一度彼長生殿私語中宵  
而百子池爲歡永夕人間七日方綵閣以  
流連天上雙星獨橫波而迢遞緣溪寂處  
帝女豈謂無郎遠道相思河鼓依然有婦  
然雙情一意行行自怯於褰裳使萬古千  
秋去去長憐於濡軌汲浣沙之水不能照  
妾真心分織錦之絲何處繡郎嬌面曾稀

別遠旣蛺蝶以成灰室邇人遐撫轡愴而  
自惜固懷私願敢告仁人沙棠產自崑崙  
工能擇木蓮葉攜來太乙我欲乘槎共輪  
點雪之金爰製凌風之舸將使綏嶺神僊  
謝鶴翎而擊楫庶幾瑤池王母偕鳥使以  
刺舟九華懸漢帝之燈輝生桂懼百斛置  
方平之酒泛彼蘭橈共慶良辰齊觀佳會  
相依錦纜飲牛口於上流還傍牙樯濯鰓



綃於巨桴僊侶永諧百歲伊人無隔三秋

### 腐侯傳

台腐時稱佳味寒山椒子作記撰誥命曰  
腐侯寵愛備矣獨其世次未詳何以傳孫  
執升琮作腐侯傳腐侯梅嶺人也泰豆氏  
之後其祖員時往來於穀城麥城之間生  
二子液滓滓麤鄙不爲人齒液稍流濫亦  
生二子長輕薄且蚤謝次醇粹如玉人稱

腐儒是爲侯幼而脆弱長漸博碩與石氏  
友善爲如水交切磋麗澤石氏功多焉時  
淮南王安新得國招致賢良方技之士盛  
談神僊黃白之術賓至如歸以故侯父子  
得爲布衣交天下由是稍稍知侯名願一  
見爲樂然侯素居里巷性迂疎淡泊以明  
志不樂見富貴人喜與樵夫牧子山僧措  
大相周旋婚祀宴會未嘗一預間與麴秀

堅瓠集

卷三

三

王

才遇愛其蘊藉約爲忘形之友迨蕭氏有天下天監大通間天子用釋氏法行清淨長齋所食惟菜羹糲飯親幸同泰寺講說涅槃三慧名僧碩學四方觀聽嘗萬餘人先是秀才爲青州從事時入爲光祿乃疏薦侯曰臣不肖曾厠喉舌之班未貢沃心之益臣友泰豆氏清心白意一片腐忠願爲皇上借箸其試之疏上召見與語大悅

必共晨夕謂麴生曰與此君對如進我於  
元羹醴酒不復信有膏粱之艷也初授昭  
磨卽遷典膳累拜光祿大夫於是侯名益  
著上聞之曰卿門何如市也侯笑曰臣心  
固如水耳上由是益眷注不衰侯老而不  
怠友人爲詩歌以美之曰如切如磋如琢  
如磨以此衛武云久之上疑其耄倦勤乃  
賜以湯沐命以土田食萬戶爵腐侯令歸

老焉侯曰我以清白貽子孫不願是也時  
方寵固辭而不得世襲其蔭至今尤盛  
腐史氏曰侯與趙生其族皆滿天下而建  
寧一支與生尤爲莫逆交以其水乳相得  
也乃清聖濁賢之品生藉劉伶輩以不朽  
而舉世食侯之德僅以腐儒稱之非有幸  
有不幸耶使非生汲引侯以席上珍終耳  
烏能世享侯爵於素封哉

甘雨閒田

澠水燕談夏文莊景初年十七侍其父監  
通州狼山鹽場渡口詩曰渡口無人黯翠  
煙登臨尤喜夕陽天殘雲若倚維揚樹遠  
水難回建業船山引亂猿啼古寺電驅甘  
雨過閒田季鷹死後無歸客江上鱸魚不  
直錢後之題詩無出其右識者以謂甘雨  
過閒田雖有爲霖之志而終無濟物之功

堅瓠集

卷三

三

壬

上虞上海

上虞顏嶧舉以進士令上海自言善屬對  
華亭張喻齋謂曰生上虞知上海生而知  
之者上也請年兄對之顏思良久無以應

諸大綬

諸大綬幼敏捷一日師出對云涇渭同流  
清濁濯纓濁斯濯足大綬對曰炎寒異態  
夏則飲水冬則飲湯後魁天下

銀筆雪兒

韓定辭爲鎮州王鎔書記聘燕帥劉仁恭  
劉命慕容島或延接或贈詩云遂林芳草  
綿綿思盡日相攜陟麗譙別後嚙齧山上  
望羨君時復見王喬韓酬之曰崇霞臺上  
神僊客李辨癡龍藝最多盛德好將銀筆  
述麗詞甚與雪兒歌客疑銀筆雪兒之事  
後或答聘常山王命定辭接於公館或因



問銀筆雪兒何出韓曰昔湘東王好李筆  
有二品忠孝全者用金管德行清粹者用  
銀管文章贍麗者以斑竹管書之雪兒李  
密之愛姬能歌舞見寶寮文章奇麗者付  
雪兒叶律歌之又問癡龍事曰洛下有洞  
穴曾有人誤墮穴中行數里漸見明曠有  
宮殿人物凡九處又見大羊髯有珠取而  
食之及出以問張華華曰此地僊九館也

人半名癡龍元辭亦問囉齧山在何處或  
曰此隋郡之故事何謙光而下問耶

### 樂官山詩

宋史稱曹彬下江南不妄殺一人爲盛德  
事梅礪詩話載曹景建金陵樂官山序云  
南唐初下時諸將置酒樂人大勸殺之聚  
溼此山因得名詩云城破轅門宴管頻伶  
倫執樂淚沾巾駢頭就死緣家國魂死南

歸緒殺人以名山詩意觀之果不妄殺耶

### 燈謎

康熙乙亥新正雨雪連旬元宵後重整花

燈燈謎盈壁採其佳句如故退之曰韓文

公死了過丈人曰呵伯那裏去

吳中婦稱其父曰阿

伯又有人名詩古洞雪消春水漸滿圍紅

白鬥芳姿亞父細柳背英俊衛國夫人脂

粉施隱寶融花榮楊雄南容也

占風聽角

錢武肅王門下葉簡善占筮一日旋風南來繞案而轉召簡問之曰此淮南楊虛已薨須發遣使弔祭去王曰生辰使方去豈可便弔弔祭簡曰但速發彼若問如何得知但云貴國動靜本國悉預知之王因遣使生辰使先一日到渥己薨次日弔祭使至楊氏大驚先是渥欲取錢塘密遣人在

聽鼓角聽者同告渥曰錢塘鼓角子子孫  
孫王爵不絕不可輕動兩人占驗亦神矣

筆塚

古人重筆用敗則瘞今人委之糞土似非  
雅厚趙光逢薄遊襄漢濯足溪流見一方  
磚積有苔痕上題云髡友退鋒郎功成髡  
髮霜塚頭封馬鬣不敢負恩光後書獨孤  
貞節立此蓋好事者瘞筆之所

裹氊

陳剛詩食雪天山近恩歸海路長王維詩  
路遶天山雪家臨海樹秋溫庭筠詩紅淚  
文姬洛水春白頭蘇武天山雪三詩皆用  
蘇武事而庭筠末句尤奇按武在匈奴衛  
律絕其飲食至嚙雪吞氊其號寒之苦人  
所共知若新序所載衛律於大暑中以氊  
裹武暴之日中三日此苦人多未知

嚙齧

朝野僉戴隋末嗜君謨善閉目而射志其  
日則中目志其口則中口有王靈智者學  
射於君謨久之曲盡其妙欲射殺君謨獨  
擅其美君謨時無弓矢執一短刀箭來刀  
輒截之末後一矢君謨張口承之遂嚙其  
鏑於是笑曰汝學射三年尚未教汝嚙鏑  
法耳是逢蒙之後更有靈智也

詠筋

朱淑真能詩一方伯延入衙以妾陪之囑  
飯時令題筋朱應聲云兩家孃子小身材  
捏著腰兒腳便開若要嘗中滋味好除非  
伸出舌頭來雙關妙句聰穎可人

網巾詩

烏紗未解滌塵襟一網清風兩鬢寒  
飾影細分雲縷滑基紋斜界雪絲乾  
不須漁父



燈前結且向詩翁鏡裏看頭上受渠籠絡  
盡有時怒髮亦冲冠

小碧箋題詩

侯鯖錄長安南山下有書生作小圃蔣花  
木一日有金犢車從數女奴皆艷麗下飲  
於庭邀生同坐酌酒甚欸洽將別出小碧  
箋題詩曰相思無路莫相思風裏楊花只  
片時惆悵深閨獨歸處曉鶯啼斷綠楊枝

蔡真人詞

夷堅志靖康間陳東飲於京師酒樓有娼  
打坐而歌東不顧娼乃去倚欄獨立歌望  
江南詞音調清越東不覺傾聽視其衣服  
皆敝時以手揭衣爬搔肌膚綽約如雪乃  
呼使前再歌之其詞曰闌干曲紅颺繡簾  
旌花嫩不禁纖手捻被風吹去意還驚眉  
黛蹙山青鏗鐵板閒引步虛聲嗟世無人

知此曲卻騎黃鶴上瑤京風冷月華清東  
問何人所製媚日上清蔡真人詞也歌罷  
得錢卽下樓亟遣僕追之已失矣

楚明光

吳寧野從先小牕清紀王彥伯至吳瑯亭  
維舟理琴見一女子披帷而進取琴調之  
聲甚哀彥伯問何曲答曰楚明光也唯嵇  
叔夜能焉彥伯請受女曰此非艷俗所宜

唯巖樓谷隱可以自娛爾鼓琴且歌止於  
東榻遊明辭去

諧聲桂枝香

一夕話有題崑崙奴傳桂枝香詞每句首  
尾諧平八二聲大有思致其詞云嬌娃低  
叫蕭郎含笑映牕紗體態輕盈描不就形  
容奇妙想牽情這廂想鍾情那廂撩人猜  
料朝來心照巧推敲原非紫玉藏春院盜

取紅綃賁夜逃

孫伯華

崇禎中我郡孫伯華面黃而胖綽號糟蘿  
葡一日與人鬪口爲讎家灌糞友人作詩  
嘲之曰先生雅號是蘿葡濃糞淋漓不甚  
差衆皆掩鼻趨而避君獨甘心踱到家兩  
鬚盡垂金絡索滿頭俱戴水梔花人人道  
是糟奇物洗出方知孫伯華

雙鯽化女

青田志謝康樂

靈運

守永嘉遊石門洞八

沐雞溪見二女浣紗顏貌娟秀非塵俗態  
以詩嘲之曰我是謝康樂一箭射雙鶴試  
問浣紗娘箭從何處落二女覲然不顧又  
嘲之曰浣紗誰氏女香汗濕新雨對人默  
無言何事甘良苦二女微吟曰我是潭中  
鯽暫出溪頭食食罷自還潭去踪何處覓

吟罷不見

和神國

小牕清紀和神國地產大瓠瓠中盛五穀  
不種而實水泉如美酒飲多致醉氣候常  
如深春樹葉皆綠絲可爲衣真僊境也可  
謂不耕而食不織而衣不釀而飲者人從  
此國中來切莫語嬾人誤他飢寒大事

虞美人草

雅州有虞美人草聞行人唱虞美人曲則  
兩葉搖動按拍而舞或唱他辭則寂然不  
動人謂英靈附物使然卓左車云虞美人  
草猶湘妃竹也但竹聞湘妃怨未必無風  
自舞耳及讀弔虞姬詩精魂夜逐劍花飛  
英氣化爲原上草草爲虞妃所化亦有據

花醒睡

何僊郎

偉然

語吳允兆曰凡花值日如睡



清露明月之下纔見醒態允兆因欲顏其  
齋曰醒花吳寧野戲曰只恐夜深花睡去  
作詩求硯

百家詩錢次權以墨四丸筆五枝賜楊時  
可楊戲曰安得硯乎次權曰欲硯須一詩  
楊作絕句曰尖頭奴有五兄弟十八公生  
四客卿過我書齋無一事似應終日待陶  
泓○洪駒父有陶泓傳

丁字直下

爾青日札天水姜平予仕苻堅堅夏羣臣  
賦詩平子詩有丁字直而不屈堅怪問平  
子對曰屈下者不正之物未足以獻堅悅  
擢上第夫丁字直下不屈乃古下字也下  
古作丁上古作上堅蓋僞人正所謂目不  
識下者都莊子云丁字有尾是也

店字可入詩

錢塘田子藝詩術好遊寄息野店中得句  
云酒香人欲歇野店月初斜因思店字可  
入詩料如韋應物楚山明月滿淮店夜鍾  
微岑參野店臨官路重城壓御堤溫庭鈞  
雞聲茅店月人跡板橋霜陳羽都門雨歇  
愁分處山店燈殘夢到時韋莊明月五更  
孤店裏醉醒何處各店中皆佳句也至東  
坡默數來時店直擔去語耳

一 盧丞相題詩

澗水燕談錄盧丞相多遜謫死朱崖旅殯  
海上天慶觀道士練維一夜聞牕外有人  
讀書審其聲韻有類多遜明日有詩題牕  
間曰南斗微茫北斗橫喜聞牕下讀書聲  
孤魂千里不歸去辜負洛陽花滿城明年  
歸葬洛○硯北雜存趙普以私憾謫盧多  
遜於崖州病卒許歸葬子察護喪權厝襄

陽佛寺將易以巨觀乃啟其屍不壞儼然  
如生遂時易衣至祥符中亦然若釋氏得  
之當張大其事卽今所稱無量壽佛矣

不久詩

浮雲易散琉璃脆此喻不久也又水中之  
泡風中之燭亦未切當近有一詩云老健  
春寒秋後熱半夜殘燈天曉月草頭露水  
板橋霜水上浮瀨山頂雪更一字不可移

蟲詞

有以蚊比妓詠黃鸞兒云名賤且身輕遇  
炎涼起愛憎太尖小口如鋒刃叮能痛人  
叮能癢人嬌聲夜擺迷魂陣好無情偷精  
吮血猶自假惺惺

鞋盃

許少華鞋盃詞云借足下權爲季雅向尊  
前滿注流霞沾唇分外香八掌些兒大鸚

武鸕鷀總讓他把一個知味人兒醉殺

佳人出浴

有作佳人出浴薰鴛兒云衣褪自藏羞似  
芙蓉映素秋眉酥香潤蘭湯透金蓮兩鉤  
玉山汗流起來漫倚欄杆後粉痕收烏雲  
半髲嬾上晚粧樓

相思詞

徐甜齋詠相思清江引云相思有如少債

盼每日相催逼常挑著一擔愁推不了三分  
息這本錢兒見他時方算得又有春情  
折桂令云平生不會相思纔會相思便害  
相思身似浮雲心如飛絮氣若遊絲空一  
縷餘香在此盼千金遊子何之証候來時  
正是何時燈未昏時月半明時其得相思  
三昧者與

你你你



三人同在妓館戲問妓何所留宿妓云你  
你你都在我心肝裏喫一杯品字茶嘆一  
口川兒氣恨不得化個姦字身兒陪著個  
你你你

### 秦字

大宗伯于公夫人姓秦有二媵或作秦字  
詩嘲曰二大能將二小容三人齊把小子  
攻若把小子攻出去三人無日不春風

嘲禿

陳介嘲禿子雁兒落云似葫蘆怎解瓢似  
湯鏃似銀銚替不得道士冠宜戴頂僧伽  
帽呀頭髮遍周遭遠看像個尿胞如芊苗  
經霜打比冬瓜雪未消有些兒腥臊又惹  
得蒼蠅鬧塵糟只落得不梳頭閒到老

遺溺

陳全嘲遺溺水僊子詞佳人一貌不尋常

流出桃花賺阮郎身軀兒須在陽臺上  
藍橋水淹得茫茫二三更泄漏春光錦被裏  
翻紅浪繡幃中波液長一對戲水的鴛鴦

癩子

嘲癩子駢雲飛云癩子希奇不長頭髮只  
長皮裏不得天羅地挽不得風流髻戴帽  
子扯齊眉鬢猶露體走向人前一陣乾蝦  
氣兩手搔頭似雪飛

飲器便壺

卞煥若多鬪坐間有一尹生者卞乃戲出對曰尹異之杯寧爲飲器宋徵之對曰何亮之宅果在河衝尹生曰下鬪之嘴實是便壺一座絕倒

馮馴伊尹

有一童輩對一客指知府馮馴語之曰馮二馬馴三馬馮馴五馬諸侯童對曰伊有

人尹無人伊尹一人元宰

党姬匹美蘧使

窺主之隱莫如伯玉家使恨無女子匹美  
讀野史見陶穀有妾自党進家來者一日  
雪下穀命取雪水烹茶問曰党家有此景  
否曰彼僦人安識此景但能於銷金帳下  
淺斟低唱飲羊羔美酒耳亦可謂得主之  
神恰好配此使乎